

Per trutgs e pitgognas dals 13-05-2011

Proposta da Norbert Grond

Valchava direcziun Vüschnai - aual sura - Costeras - Pizzet - Cauogls - Rövel - via Ruinatscha - Val Gronda - Döss - Müstair

Durada ca. 2 ½ - 3 uras

Differenza d'atezza 200 m

Visavi il hotel Posta vegl prenda ins la punt dal Rom, suenter ina pitschna muntada da ca. 50 m d'atezza, arriva ins sin la senda da l'aual sura. Ina senda che manava pli baud l'aua per la sauaziun da la prada da Pizzet. Sin la senda ha ins ina vista da bellezza, spezialmain sur il vitg da Valchava, cunzunt ussa da primavaira cura che tut è en flur.

Suenter ca. in'ura stat ins visavi il vitg da Sta. Maria, (las costas), er qua ina vista nunemblidaivla cun il vitg da Sta. Maria en furma d'ina crusch, demussa il s'inscunter da dus pass da muntogna, il Pass dal Fuorn ed il Pass da l'Umbrail.

15 minutas pli tard arriva ins a Pizzet, là ves'ins sco che la Val vegn plaunsieu pli lada, visavi Sielva l'ospital da la Val. Sin la senda vers Cauogls ha ins ina survista sin la bella prada da Pradöni. Sche ins fa ina pausa sin in banc vesa ins las emprimas chasas da Müstair e la cascada da Pisch che maina per il mument pauc'aua. Sur la Chasa da Rövel po ins far ina fermada. La zona d'industria da Müstair cun ils gronds bajetgs e la part sura dal vitg cun la baselgina da S. Bastiuan dat en egl. Suenter pauc mument arriva ins sin la via da Ruinatscha.

Tranter ils lareschs bels sa mussa la claustra Son Jon (bain cultural da l'Unesco) ina vista sco d'in utschè en sgol, in panorama er sur cunfin pia il vitg da Mals en il Vnuost po ins observar. Tar il proxim mussavia prenda ins la senda da Val Gronda che maina sur la claustra. Ina visita en il Museum Planta, cun la baselgia cun lur frescos dal 8avel tschientaner, che dura ca. in'ura, na stuess betg mancar.

La tura è er zunt adattada per famiglias.